

Maman!

IDEIS PE LETURE



S. Fabris e R. Gallio,
"Vielm il biel", L'Orto
della Cultura, 2018.

LIS AVENTURIS DI VIGJI E LUMI



CJÂR DIARI,

vuê la mê
paroncine e je
dute ispirade e
creative: e je daûr
a piturâsi lis mans

cu lis temperis.
Su sfueis grancj di cjarte
blancje e je daûr a lassâ lis sôs
olmis dapardut.
Ognidune di lôr e devente une
besteute diferente.
Ce maravee! La olme zale, cui
balinuts marons sul cuarp, si

è trasformade
intun leopart;
chê verde
intune biele
copasse; chê grise
intun elefant e chê
maron intun çus.
Cumò o ai propite gole di
provâ ancje jo cu lis mê s çatis
e po dopo ti mostri, cussì
tu mi disis ce che ti
somee a ti!
Maman,
il to Vigji

ÇUS
UCIEL PREDADÔR
NOTURNI CUN VOI
GRANCJ E CUL
BEC A RIMPIN
CURT



Progjet promovût di 'Il Friuli' e 'ARLeF'

ZÛCS

Prove a induvinâ cualis bestiis che a
rapresentin chestis ombris cinesis.

Ce bestie fasistu cu lis mans de imagjin
in bas a çampe?

Un C ___ N.

Ce bestie fasistu cu lis mans de prime
imagjin a çampe inte prime rie?

Un C _ I.

Ce bestie fasistu cu lis mans de imagjin
in bas a drete?

Un C _ _ I _.

E cumò va indevant a zuiâ cui tiei amis!



Soluzion: cesen, cai, cunin

Tant par ridi



"Dotôr dotôr, un cjan mi à
muardût un dêt!"

"E lu aial disinfetât?"

"Eh, no ai rivât, al è scjampât vie subit!"

LU SAVEVISO CHE...?



■ Lis nestrîs mans
a àn 27 vues e 18
muscui.
I dêts a àn dome
vues ma no muscui.



Maman! Une gnove
aventure ogni
setemane. Us din
apontament su

telefriuli



vinars aes 5.45 sot sere

Pagjine curade di Daria Miani
e dal Sportel Regjonâl
pe Lenghe Furlane de ARLeF

ARLeF
AGENZIE
REGJONÂL
PE LENGHE
FURLANE